





九經古義卷九

東吳惠棟學

儀禮古義

士冠禮旅占注云古文旅作臚案周禮司儀旅擯先鄭曰
旅讀爲旅於泰山之旅後鄭云旅讀爲鴻臚之臚陳之
也班固述贊曰大夫臚岱侯伯僭時鄭德云臚岱季氏
旅於大山是也顏監曰旅陳也臚亦陳也臚旅聲相近
其義一耳禹貢曰蔡蒙旅平傳云祭山曰旅韋昭音盧
盧籀文臚周書謚法曰惟三月既生魄周公旦大師望

相嗣王發既賦憲受臚于牧之野臚即旅也

兄弟畢袷注云袷同也玄者玄衣玄裳也古文袷為均

棟案袷玄即漢之袷衽司馬彪輿服志云郊祀之服皆

以袷玄淮南子云尸祝袷衽高誘曰袷純服衽墨齋衣

也篆書袷與袷相似古文作均故左氏僖五年傳云均

服振振祭服上下皆玄故謂之袷玄戎事上下同服故

謂之均服服虔注左傳以均服為黑服月令曰乘元路

是鄭意亦以袷為元

將冠者采衣紒注云紒結髮古文紒為結廣雅曰髮結也

曹憲曰案說文即籀文髻字也古髻字皆作結漢有假

結安箇結大手結周禮注結作紒俗作髻

主人酬賓束帛儷皮注云儷皮兩鹿皮也古文儷為離說

文云麗旅行也鹿之性見食急則必旅行从鹿而聲禮

麗皮納聘蓋鹿皮也譙周古史考云伏犧制嫁娶以儷

皮為禮古文作離者易離彖云離者麗也禮月令云宿

離不貸注云離讀如儷偶之離兩鹿皮者士昏禮注云

儷兩也春秋傳云鳥獸猶不失儷是儷為兩也

再醮攝酒注云攝猶整也整酒謂撓之漢書匈奴傳云單

于以徑路刀金留犁撓酒應劭曰撓和也鄭以攝酒有攪撓之事故舉漢法以明之

眉壽萬年注云古文眉作麋大戴禮王言云孔子愀然揚

麋盧辨注云麋一作眉荀卿子非相云伊尹之狀面無

須麋揚倅云麋與眉同漢書皆以麋為眉歐陽公集古錄云漢故北

海相景君碑有云不永麋壽全家集錄三代古器銘有云眉壽者皆為麋壽蓋古字簡少通用至漢猶然也

永受胡福注云胡猶遐也遠也案詩隰桑云心乎愛矣遐

不謂矣禮記引此詩遐作瑕鄭注云瑕之言胡也遐胡

互訓古音通詩言胡考周禮謚法彌年壽考曰胡

令月吉日昭告爾字爰字孔嘉髦士攸宜釋文云字叶音

滋案虞書鳥獸莩尾史記作字微郭忠恕汗簡云古文

尚書字作莩是字本有滋音毋容協也

記母追夏后氏之道也注云母發聲也追猶堆也案追古

堆字枚乘七發曰踰岸出追李善曰追亦堆字今為追

古字假借之也說文云阜小阜也徐鉉曰今俗作堆河

東風陵堆戴延之謂之風堆

以官爵人德之殺也注云殺猶衰也繫上曰古之聰明睿

知神武而不殺者夫虞翻注云乾坤坎離反復不衰亦

讀殺為衰淮南說山云上有三衰下有九殺衰音近殺故云殺猶衰也棟案衰猶差也荀卿子云相地而衰政注衰差也九章算術謂差分為衰分說林云大小之衰然注云衰差也春秋傳云遲速衰序又云其周德之衰乎注云衰小也小猶殺也彼此互訓文王世子云親親之殺也注云殺差

也是差與衰同

士昏禮鄭目錄云日入三商為昏賈疏云商謂商量是漏刻之名故三光靈曜亦日入三刻為昏不盡為明孔氏詩正義云尚書緯謂刻為商然則三光靈曜當作考靈

曜漢三神鑑銘曰吾作明鏡幽鍊三商蓋本書緯

皇舅某子日知錄云士昏禮皇舅某子此或謚或字之稱與聘禮皇考某子同疏以為若張子李子婦人內夫家豈有稱其舅為張子李子者哉案經云婦執筭菜祝帥婦以入祝告稱婦之姓曰某氏來婦敢奠嘉菜於皇舅某子張稷若儀禮節解云疏之意或以婦新入門稱姓以告故亦以姓稱其舅春秋傳云男女辨姓其此之謂記父醮子命之辭曰荀子云禮父南鄉而立子北鄉而跪醮而命之

勗帥以敬先妣之嗣荀子云隆帥以敬先妣之嗣案文隆
 訓盛義亦通鄭注儀禮作勗者當由避殤帝諱改隆為
 勗如毛詩隆衝為臨衝郡國志隆慮為臨慮之類荀子亦以隆慮為
臨慮漢時經學皆受之師時君之諱隨時改易隨文
 釋之非復故書之義許叔重說文解字每載上諱不更
 箋釋亦此例也上文贊啓會注云今文啟為開既夕請
 啟期同賈公彥云高堂生所傳者為今文案生為漢初
 人不應為景帝諱明經師相傳遂為故實非盡高堂之
 舊也

視諸衿鞶注云視乃正字今文作示俗誤行之曲禮曰幼
 子常視無誑注云視今之示字詩鹿鳴曰視民不忮箋
 云視古示字也古文春秋傳皆以視為示賈公彥曰古
 父字少眼目視瞻與以物示人皆作視字棟案示本神
 祇字古視瞻之視皆作眡周禮說文皆同啟母廟石闕銘云昭眡後
昆以眡鄭所據古文儀禮知視為古示字郭忠恕撰佩
 鐲以鄭氏此說大與說文石經相乖竊所未喻
 士相見禮衆皆若是注云今文衆為終易雜卦云大有衆
 也荀爽本衆作終史記五帝紀云怙終賊刑徐廣曰終

一作衆春秋傳有魯大夫衆仲明堂月令云衆雨蚤降
釋草云樂貫衆皆讀爲終仙人韓終亦作韓衆古衆字
皆作終音

鄉飲酒禮 衆賓辯有脯醢注云今文辯皆作徧古辯徧

通用史記曰辯于羣神今尚書作徧春秋傳云子言辨

舍爵於季氏之廟杜氏云辨徧也荀子脩身篇云扁善

之度注云扁讀爲辨韓詩外傳云君子有辨善之度古

徧字皆作辯司馬遷從孔安國問故遷書多古文春秋

傳多古字古言故皆以辯爲徧鄉射禮云司射乃比衆
耦辯注云衆賓射者降

比之耦乃徧是
鄭亦讀辯爲徧

尊者降席東南面注云尊者謂此鄉之人仕至大夫者也

今文遵爲俱或爲全論語云異乎三子者之撰鄭
注云撰讀爲詮詮之言善也禮記

冠儀曰介俱象陰陽也注云古文禮俱皆作遵又少儀

俱爵注云俱或作駟本亦作駟古文禮俱作遵鄉射禮注云
謂之遵者方

以禮樂化民欲
其遵法之也

公如大夫入注云如讀若今之若周禮旅師職云而用之

以質劑致民注云而讀爲若聲之誤也棟案古而與如

通如猶若也故如而或讀爲若鄭以爲聲之誤則古讀

而如若也

主人釋服注云古文釋作舍大射儀云獲而未釋獲注曰古文釋為舍周禮大胥職云春入學舍采注云舍即釋也占夢職云乃舍萌于四方注云舍讀為釋舍萌猶釋菜也古書釋菜釋奠多作舍字

鄉射禮不貫不釋注云古文貫作關棟案呂氏春秋云中關而止謂關弓弦正半而止即儀禮所謂不貫也貫與關古今通史記五子胥傳云五胥貫弓執矢嚮使者注云貫烏還反後漢祭彤傳能貫三百斤弓司馬貞曰滿

張弓一云貫謂上弦也古串與患通又讀為貫故古文患作悶从心關省聲

箭籌八十長尺有握握素注云握本所持處也素謂刊之也握本以作膚張稷若節解曰握本以作膚以字疑誤別本刊本一作膚亦費或刊本一讀義屬上句一作膚指握字有作膚者四指曰膚與握義同握四指即四寸籌長尺四寸其四寸則刊之使白也愚謂案文當云握本或作膚張氏以為刊本一讀屬上句非也

唯君有射於國中注云古文有作又汗簡云古文尚書有作又石鼓戊文一作甲文云蕩蕩又魚董道曰又通作有秦

惠王詛楚文云又秦嗣王義作有古文又又作有周易
繫辭曰履信思乎順又以尚賢也鄭氏易又作有詩長
發云有虔秉鉞箋云有之言又也內則云凡養老五帝
憲三王有乞言注云有讀為又戰國策公子他謂趙王
曰今又案兵劉錢本又作有說文云有者不宜有也从
月又聲春秋傳曰日有食之

燕禮云更爵注云古文更為受大射儀同周禮中車云歲時受
讀杜子春云受當為更春秋昭廿九年傳云以更豕韋
之後史記更作受知古文更字皆為受

升媵觚於賓注云媵送也讀或為揚揚舉也今文媵皆作
騰檀弓下篇云杜蕢洗而揚解注云禮揚作媵宋本作騰非
揚舉也媵送也揚近得之

升媵觚於公注云此當言媵解酬之禮皆用解言觚者字
之誤也古者解字或作角旁氏由此誤爾上經云主人
坐奠觚與篚注云古文觚皆為解又云主人拜受依字當作

送解注云今文解作觚說文曰觚禮經解漢書高紀云
上奉玉卮應劭曰飲酒禮器也古以角作受四升韓詩說云

三升曰解四升曰角大射儀云侍射者降洗角
解疏云角解以兕角為之非謂四升曰角者也古卮字

作觚鄭氏駁五經異義曰解角旁友汝頴之間師讀所作今禮角旁單古書或作角旁著氏則是與觚相涉學者多聞觚寡聞觚寫此書亂之而作觚耳

對曰寡君君之私也注云私謂獨受恩厚也棟謂私猶屬也若邾滕之於齊宋故叔孫豹云邾滕人之私也上介致辭謙言屬國

大射儀云西階之西頌磬東面注云言成功曰頌西為陰中萬物之所成古文頌為庸鄭氏尚書云笙庸以間注云西方之樂謂之庸庸功也西方物孰有成功亦謂之

頌頌亦是頌其成也

綴諸箭注云箭篠也古文箭作晉周禮大行人云揚州其

利金錫竹箭注云故書箭為晉杜子春曰晉當為箭書

亦或為箭古讀晉如箭故
措紳亦作薦紳

且左還注云古文且為阻棟案古鐘鼎文祖字皆作且如祖乙卣盃和鍾文王命癘鼎師毀斂皆然尚書黎民阻飢今文作祖飢徐廣曰祖始也孟康曰古文言阻古文祖作且且阻同字故儀禮尚書皆作阻

奏狸首注云狸首逸詩曾孫也狸之言不來也漢書郊祀

志云周靈王即位時諸侯莫朝周襄王迺明鬼神事設射不來不來者諸侯之不來朝者也封禪書云設射狸

首徐廣曰狸一名不來棟謹案禮說云不來反為狸猶

并夾為籥終葵為推邾婁為邠勃鞞為披周伯琦云邠古邾婁國外

傳勃鞞內壽夢為乘不可為叵羊舌職說苑作羊殖舌職為殖也顓孫師之子

孫為申也顓後世反切之學出之此狸首之詩與祭侯之

辭皆言諸侯來朝之禮不來者不寧侯故抗而射之然

則襄王行古禮說者謂依物怪且致諸侯妄矣康成詩譜云射

禮天子以騶虞諸侯以狸首大夫以采蘋士以采芣為節今無狸首周哀諸侯並借而去孔子錄詩不得熊

氏經說云狸首之詩古人以為射節小戴射儀所記詩曰曾孫侯氏四正具舉大夫君子凡以庶士小大莫處

御于君所以燕以射則燕則譽此狸首之詩也大戴投壺篇所記上章本同而前一句曾孫侯氏為數句隔斷

恐泰射張侯等語本以解說侯氏因亂入正文爾下文又換韻曰弓既平張四侯且良決拾有常既順乃讓乃

揖乃讓乃濟其堂乃節其行既志乃張此亦狸首之詩也劉原父七經小傳云或曰狸首鵲巢也篆文狸似

鵲首似巢鵲巢之詩御之將之成之此亦時會之通

九經古義卷九

九經古義卷十

東吳惠棟學

儀禮古義

聘禮云管人布幕於寢門外注云管猶館也古文管作官
今文布作敷易隨初九云官有渝蜀才本官作館穆天
子傳云官人陳牲義作館

及廟門公揖入立於中庭棟案立讀為位周禮小宗伯之
職掌建國之神位注云故書位作立鄭司農云立讀為
位古者立位同字古文春秋經公即位為公即立史記

周本紀云武王既入立于社南今周書克殷解文也案其文云王入即位于社是立字當作位也古鐘鼎文如周毛父敦銘及盥和鍾立字釋者皆訓為位又周邠敦銘云毛伯內門立中庭周戡敦銘云蘇公入右戡立中庭北鄉韋弘嗣許叔重皆云列中庭之左右曰位明立字亦當作位釋者仍訓為本字非也

賓進訝注云今文訝為梧公食大夫禮云上介受賓幣從者訝受皮注云今文曰梧受既夕若無器則梧受之注云謂對相授䟽云梧即逆也對面相逢受案梧本作梧

訓為逆訝亦逆也既夕注不疊古文明古文訝亦有作

梧也漢書司馬遷傳贊云或有抵梧如淳曰梧讀曰迂戰國策樓梧亦作樓辭

歸饗餼五牢注云今文歸或為饋案古文論語如詠而饋饋孔子豚魯論皆作歸士虞禮注云饋猶歸也

車秉有五籩注云籩讀若不數之數今文籩或為逾不記曰十六斗曰籩注云今江淮之間量名有為籩者今文籩為逾包咸論語注云十六斗曰庾庾即逾也古文作籩

醜黍清皆兩壺注云醜白酒也凡酒稻為上黍次之梁次

之皆有清白以黍間清白者互相備明三酒六壺也漢律曰稻米一斗得酒一斗為上尊稷米一斗得酒一斗為中尊粟米一斗得酒一斗為下尊顏師古曰稷即粟也中尊者宜為黍米不當言稷蓋据此注而言邢昺曰稷粟一物而本草稷米在下品別有粟米在中品又似二物故先儒甚疑焉

侑幣注云古文侑皆作宥案春秋傳侑皆作宥又周禮三宥管子作三侑古字通用

記云百名以上書於策不及百名書於方注云名書文也

今謂之字策簡也方板也疏云鄭作論語序云易詩書禮樂春秋策皆尺二十孝經謙半之論語八寸策者三分居一又謙焉是其策之長短鄭注尚書三十字一簡之文服虔注左氏云古文篆書一簡八字是一簡容字多少者策當作筴板當作版

間幾月之資注云資行用也古文資作齋周禮外府云財用之幣齋先鄭云齋或為資今禮家定齋作資後鄭云元謂齋資同耳其字以齊次為聲從貝變易古字亦多或作資

公食大夫禮云宰夫設黍稷六簋於俎西注云古文簋皆作軌周禮小史云叙昭穆之俎簋注云故書簋或爲几鄭司農云几讀爲軌古文也易損卦云二簋可用享蜀才本簋作軌從古文

覲禮云侯氏降階東北面再拜稽首擯者延之曰升注云從後詔禮曰延延進也案漢舊儀云丞相御史大夫初

拜皇帝延登親詔登猶升也

書逸嘉禾篇曰周公奉鬯立于阼階延登贊曰假王

茲政勤和天下此關中古文與覲禮儼者延升合假讀爲格正也

四享皆束帛加璧注云四當爲三古書作三四或皆積畫

此篇又多四字字相似由此誤也鄭志答趙商曰古三

四積畫說文曰三籀文四賈公彥云古書作三四之字

或皆積畫者堯典云帝曰咨三岳臯陶云外薄三海泰

誓序云作泰誓三篇是古書三四皆積畫也春秋傳子

革云是四國者專足畏也劉光伯規過云楚語云今吾

城三國無四國也炫謂古四字積畫四當爲三

大史是右注云古文是爲氏曲禮曰五官之長曰伯是職

方注云是或爲氏漢書云造父後有非子元孫氏爲莊

公顏監云氏與是同韓勅脩孔廟後碑以於氏爲於是

漢未有是儀亦作氏陳承祚撰魏志以為孔文舉改氏
 為是殊不知營陵是姓順帝前已見於碑見洪适何至
 漢季始改氏為是乎當時以是氏兩字本通故或稱氏
 或稱是非有異義王裒不識蕃皮陳壽不辨是氏古字
 古音皆止於晉惜哉

士喪禮云陳襲事于房中西領南上不績注云績讀為絳
 絳屈也江沔之間謂縈收繩索為絳古文績皆為精說
 文云絳紆未縈繩讀若旌案孟郁修堯廟碑精字作旌
 與古音合釋文音絳為側庚反非也

布中環幅不鑿注云古文環作還案古環字皆作還春秋
 傳云諸侯之師還鄭而南又哀三年傳云道還公宮公
 羊傳云以地還之也又云師還齊侯漢書食貨志云還
 廬樹桑皆讀為環

決用正王棘注云世俗謂王棘砒鼠言王棘可以砒鼠也
 砒古磔字史記李斯列傳云十公主砒死於杜張守節
 云砒音貯格反司馬貞曰砒音宅與磔同古今字異耳
 司馬公類篇云王棘一名砒鼠劉昌宗音砒為托皆失
 之磔鼠見張湯傳

竹笏注云今文笏作忽案說文無笏字注今文當作古文
傳寫之誤古笏字本作忽鄭氏尚書曰予欲聞六律五
聲八音在治忽注云忽者臣見君所秉書思對命者也
穆天子傳曰帔帶播忽郭璞曰忽長三尺杼上推頭一
名珽亦謂之大圭从日勿聲六書正譌云回呼骨切俗
作笏非說文曰忽出氣詞也从日象氣出形春秋傳有
鄭大子忽說文又云忽籀文作忽一曰佩也象形忽又
與忽通故儀禮一作忽是也今治忽字古皆作忽論語
仲忽古今人表作仲忽楊雄甘泉賦云翕赫忽霍河東
賦云蠻忽如神師古曰忽讀與忽同

設決麗于擊注云古文擊作挽案擊依字當作擊傳寫之
誤說文曰擊手擊从手取聲漢書郊祀志云海上海上燕齊
之間莫不搯擊游俠傳云搯擊而游談高誘呂覽注云
擊讀如捲挽之挽古文作挽春秋傳云拔衛侯之手及
挽史記樊於期偏袒搯挽左傳史記多古文故皆作挽
俗作腕非也

冪用䟽布久之注云久之讀爲炙謂以蓋塞馬口也既夕曰
木桁久之注云久之當爲炙說文云久之從後炙之象人兩

脛復有距也周禮曰久諸牆以觀其撓今考工記作灸諸牆當是後鄭所易

冪奠用功布注云古文奠爲尊案古尊字作尊與奠相似故譌从之奠从丌讀若箕奠从卅讀若拱

四鬣去蹄注云鬣解也今文鬣爲剔案剔與鬣同大雅抑詩云用遏蠻方魯頌泮水云狄彼東南箋云遏狄皆當作剔韓詩云鬣彼東南蓋从古文

筮人許諾不述命注云古文述皆作術術與述古今字毛詩日月云報我不述韓詩作術祭義術省注云術當爲述聲之誤也

旣夕云投披注云披輅柳棺上貫結於戴人君旁牽之以備傾今文披皆爲藩案披从手皮聲古音皮與蕃同蕃又藩通故今文披作藩聲之誤也辨見詩攷

記云御以蒲菽注云蒲菽牡蒲莖也古文菽作駟䟽云案宣十二年楚熊負羈囚知罃知莊子以其族反之厨武子御每射抽矢菽納諸厨武子之房杜注云菽好箭又云厨子怒曰非子之求而蒲之愛注云蒲楊柳可以爲箭古文菽作駟者漢書鼂錯傳云錯上兵事云村官駟

發矢道同的如淳曰騶矢也顏監曰騶謂矢之善者也
春秋左氏傳作散字其音同耳騶發騶矢以射也手工
矢善故中則同的是散與騶同也

士虞禮記云明日以其班附注云班次也古文班或為辨
辨氏姓或然今文為胖棟案古辨字或讀為班故古文
班亦作辨史記五帝紀云辯于羣神徐廣曰辯音班漢
書王莽傳云辨社諸侯師古曰辨讀為班春秋傳襄廿
五年云男女以班賂晉侯此今文也哀元年云蔡人男
女以班此古文也說見劉光伯規過今文為胖者鄭注

王制云類之為言班也類與胖字雖異而義同是胖猶
班也

暮而小祥注云古文暮皆作基案堯母碑暮字亦作基

中月而禫注云自喪至中凡二十七月古文禫或為導說
文曰因古文因讀若三年導服之導又木部椌字下所
讀同棟案導服即禫服从古文故曰導則是因與椌皆
讀為禫近有妄人作字書名正字通斥許君說為妄是

未讀儀禮喪服記云禫而內無
哭者注云禫或皆作道

特牲饋食禮云主婦視饔饗於西堂下注云炊黍稷曰饔

古文饔作糝周禮作饔說文曰饔酒食也或作饔从熙
或作糖从米

主人左執角再拜稽首受復位詩懷之注云詩猶承也謂
奉納之懷中詩正義云內則說負子之禮云詩負之注
云詩之言承也春秋說題辭云詩之爲言志也詩緯含
神霧云詩者持也然則詩有三訓

有司云二手執挑七枋以挹泔注云挑謂之畝讀如或春
或枕之枕字或作挑者秦人語也今文挑作枕疏云讀
从詩或春或枕彼注枕抒白也案今毛詩生民云或春

或揄毛傳云揄抒白也不作枕者周禮地官女春枕二
人注云女奴能春與枕者枕抒白也詩云或春或枕董
氏引韓詩揄作枕鄭先通韓詩故讀从之說文云白抒
白也从爪白詩云或簸當作春或留或作枕从手从宀或
作畎从白宀案詩釋文云揄說文作留留訓文與揄同
明簸當作春姚令威謂後人改留爲蹂則是宋時說文
已誤春爲簸矣

九經古義卷十

九經古義卷十一

禮記古義

東吳惠棟學

曲禮云若不得謝注云謝猶聽也棟案謝猶去位也說文謝辭去也楚辭大招云青春受謝王逸云謝去也謝一作謝史記蔡澤謂范雎云夫四時之序成功者去今時有代謝之語蓋本於楚辭顧炎武訓謝為序案招魂云若必筮予之恐後之謝不能復用巫陽焉注亦云謝去也若訓為序不合事理

戰國策云靖郭君七日謝病強辭不得三日而聽

拾級聚足注云拾當為涉聲之誤也案周書嘗麥云王涉

階故讀从之陟階猶歷階也

毋勦說注云勦由擊也今本由作猶曹憲曰勦說之勦當从刀

左傳焉用築城以勦民乃从刀訓為勞

跪而遷屨注云遷或為還公羊春秋云宋人遷宿傳云遷

者何以地還之也遷與還義得通故或為還

離坐離立毋往參焉注云離兩也離與麗俗作儷同故訓為

兩說見周書武順曰人有中曰參無中曰兩戰國策屏儀禮

參坐於衛君之前

笑不至矧注云齒本曰矧大笑則見倉頡篇云斷齒根也

與鄭異釋文云矧本又作哂說文云笑不壞顏曰攷从

欠引省聲張有復古編曰攷古哂字

禮不諱嫌名注云嫌名謂聲相近若禹與雨邛與區也釋

文云邛與區並去求反非也古邛字皆讀為區故鄭云

聲相近毛詩邛與詩協左傳邛與旗協戰國策齊嬰兒

謠曰大冠若箕脩劍拄頤攻狄不能下壘枯邛荀卿子

曰言之信者在乎區蓋之間漢儒林傳作邛蓋顏籀匡

謬正俗曰今江淮田野之人猶謂區為邛亦古之遺音

也

左右攘辟注云攘卻也或者攘古讓字漢書禮樂志云隆

雅頌之聲盛揖攘之容師古曰攘古讓字

廣韻云攘文字指歸云揖

攘

入里必式注云不誣十室正義云論語云十室之邑必有

忠信如邛者焉是不誣十室棟案荀子大略篇云禹見

耕者耦立而式過十室之邑必下大戴禮亦云禹過十

室之邑則下為秉德之士存焉故云不誣十室

眡於鬼神注云眡致也眡或為祇張揖埤倉曰眡告也禮

記曰眡於鬼神

玉篇引

是祇當作眡爾疋云眡告也

天子之五官云云注云此亦殷時制也史記周本紀云古

公乃賤戎狄之俗作五官有司故鄭據以為說

問大夫之富曰有宰食力力當為加壞字也晉語曰庶人

食力官宰食加加加田也周禮司勳加田無國征劉敞

以為無國征者不征於國

四足曰漬注云漬謂相灑汗而死也公羊春秋云莊十七

年齊人灑于遂傳云灑者何灑漬也鄭注本此

納女於天子曰備百姓注云姓之言生也天子皇后以下

百二十人廣子姓也吳語曰越行成於吳曰一介嫡女
 執箕箒以咳姓於王宮韋昭曰咳備也姓庶姓也時越
 以五禮尊吳故云咳姓說文曰姓人所生也古之神聖
 母感天而生子故稱天子从女从生生亦聲春秋傳云
 天子因生以賜姓又昭四年傳云問其姓對曰余子長
 矣漢書田蚡傳跪起如子姓注姓生也

檀弓曰何居我未之前聞也注云居讀為姬姓之姬齊魯
 之間語助也列子黃帝篇云關尹謂列子曰姬魚語女
 張湛曰姬音居魚當作吾棟案左傳誰居之居亦音基

孝經及論語皆云居吾語女古人讀居為姬讀吾為魚
 外傳晉語云暇豫之吾吾不如烏烏韋昭曰吾讀為魚
 列子因之遂以居為姬吾為魚皆聲之誤也易繫辭云則居可知

矣鄭云居讀為姬

孔氏之不喪出母自子思始也注云記禮所由廢非之淮
 南子曰孔氏不喪出母此禮之失者

細人之愛也以姑息注云息猶安也言苟容取安也案呂
 覽觀世篇云周武王告諸侯曰商王大亂沈于酒德辟
 遠箕子爰近姑與息

子夏喪其子而喪其明注云明目精冀州從事郭君碑云
卜商唬吡喪子失名或疑借名爲明愚案爾足釋訓云
猗嗟名兮目上爲名名在眚目之間失名者失其珠子
也

池視重雷注云如屋之有承雷也承雷以木爲之用行水
亦宮之飾也今宮中有承雷云以銅爲之漢書宣紀神
爵元年詔曰金芝九莖產於函德殿銅池中如淳曰銅
池承雷也

我喪也斯沾注云斯盡也沾讀曰覘覘視也國昭子自謂
齊之大家有事人盡視之此解非是斯此也沾薄也國
子蓋言我母之喪而使婦人從賓位斯爲薄矣沾訓薄
見張揖廣雅俗作漆非是曹憲云沾他練反世人水傍
著忝失之又以此占字爲雷亦失之鄭氏改沾爲覘恐
未安

人喜則斯陶陶斯咏咏斯猶猶斯舞舞斯愠愠斯戚戚斯
歎歎斯辟辟斯踊七經小傳云案人舞宜樂不宜更愠
又不當漸至辟踊此中間有遺文矣蓋本曰人喜則斯
陶陶斯咏咏斯猶猶斯舞舞斯蹈矣人悲則斯愠愠斯

戚戚斯歎歎斯辟辟斯踊矣自喜而下五變而至蹈自悲而下亦五變而至踊所謂孺子慕者也棟謂劉氏之說是矣而以為中間有遺文者非蓋行文也案古本禮記無舞斯愠及注愠猶怒也七字故陸氏釋文云此喜怒哀樂相對本或於此句上有舞斯愠一句并注皆行文喜則陶以下叙樂之節也愠斯戚以下叙哀之節也文自相配不須增入人悲則斯愠五字古文文簡而意備非若後世之繁重也釋文具在何不以取正之而為是臆說耶何嗣曰樂終則愠起則其悞已始於六朝陸氏所據當是晉宋古本

咏斯猶注云猶當為搖聲之誤也搖謂身動搖也秦人猶搖聲相近爾足云繇喜也郭璞曰詠斯猶繇也古今字耳

設萋翣注云萋翣棺之牆飾周禮萋作柳縫人職云衣翣柳之材注云柳之言聚諸飾之所聚故書翣柳作接櫨鄭司農云接讀為盟櫨讀為柳皆棺飾萋與樓通爾足云樓聚也又與樓通莊子達生云死得於豚楯之上聚樓之中釋文云謂殯於菴塗萋翣之中荀子禮論云無

顏以象菲帷幃尉注云縷讀為柳

衛有大史曰柳莊案古今人表作柳壯師古曰壯讀曰莊棟案晉語曰趙簡子問於壯馳茲義作莊嚴訢碑云地

自楚壯即楚莊王也漢諱莊改曰嚴

漢時莊作壯盈作盈疑皆為避諱而

作非正字

洿其宮而豬焉注云豬都也南方謂都為豬尚書大傳曰

遂踐奄踐之者籍之也籍之謂殺其身執其家豬其宮

豬本與都通禹貢大野既豬史記作既都又孟豬亦為

明都

趙文子與叔譽觀乎九原注云叔譽叔向也知叔譽是叔

向者晉語云趙文子與叔向游於九京故知叔譽是叔

向周書大子晉云晉平公使叔譽于周見大子晉而與

之言五稱而五窮孔晁云叔譽者大夫叔向也春秋時

大夫有兩字者如子產一字子美是也

文子其中追一作退然如不勝衣注云中身也鄉射記曰弓

二寸以為侯中楚語左執鬼中韋昭曰中身也禮曰其

中退然

王制西方曰棘注云棘當為棘棘之言偪高誘呂覽注云

棘讀如匍匐之匍

王三又注云又當作宥古侑字作宥見儀禮注古宥字作有見今文尚書論衡引古有字作又宥字作宥見周伯映

彙古錄又當為宥壞字也

執左道以亂政殺盧植曰左道謂邪道案古左與邪通子虛賦云邪與肅慎為鄰師古曰邪讀為左漢書引周書云以左道事君者誅

有圭璧金璋不粥於市皇侃以為用金為印璋案此則璋字古本作章今從玉旁者非也

月令其器疏以達注云器疏者刻鏤之象物當貫工而出也玉篇引云其器疑以達說文云疑通也从攴从足足亦聲大元經有疑首

還反賞公卿諸侯大夫於朝呂覽反作乃下同或云反當依呂氏作乃案穆天子傳云天子還返還返連文月令是也

命相布德和令後漢禮儀志云立春之日下寬大書曰制詔三公方春東作敬始慎微動作從之罪非殊死且勿案驗皆須麥秋退會殘進柔良下當用者如故事劉昭曰月令命相布德和令蔡邕曰即此詔之謂也

孟春天子乃以元日祈穀于上帝乃擇元辰躬耕帝籍注云元辰蓋郊後吉亥也俗本作吉辰正義曰知用亥者以陰

陽式法正月亥為天倉以其耕事故用天倉也盧植蔡邕並云郊天是陽故用日耕籍是陰故用辰元者善也

皇氏云正月建寅日月會辰在亥故耕用亥也南齊

志大學博士劉蔓議禮孟春之日立春迎春又於是月

以元日祈穀又擇元辰躬耕帝籍盧植說禮通辰日日

甲至癸也辰子至亥也郊天陽也故以日籍田陰也故

以辰陰禮卑後必居其末亥者辰之末故記稱元辰注

曰吉亥又據五行之說木生於亥以亥日祭先農又其

義也大常丞何譚之議鄭注云元辰蓋郊後吉亥也亥

水辰也凡在懇稼咸存灑潤五行說十二辰為六合寅

與亥合建寅月東耕取月建與日辰合也國子助教桑

惠度議尋鄭元以亥為吉辰者陽生於子元起於亥取

陽之元以為生物亥又為水十月所建百穀賴茲沾潤

畢熟也

天子乃鮮羔注云鮮當為獻聲之誤也今呂覽鮮作獻故

鄭讀从之獻有軒音故云聲之誤

是月也祀不用犧牲用圭璧更皮幣蔡氏章句云此祀不用犧牲者祈不用犧牲案春秋傳云祈以幣更故蔡據爲說月令問答曰問者曰仲春令不用犧牲以圭璧更皮幣不用犧牲何也曰是月獻羔以大牢祀高禩宗廟之祭以中月安得用犧牲祈者求之祭也著令者豫設水旱疫癘當禱祈用犧牲者是用之助生養傳祈以幣代牲章因於高禩之事乃造說曰更者刻木代牲如廟有祧更此說自欺極矣經典傳記無刻木代牲之說蓋書有轉誤三豕渡河之類也

是月也乃合羶牛騰馬遊牝於牧高誘曰羶牛父牛也騰馬父馬也皆將羣遊從牝於牧之野風合之服虔左氏解詁云牝牡相誘謂之風

淫雨蚤降注云今月令曰衆雨案呂覽亦作淫雨說文雨部云霽小雨也从雨衆聲明堂月令曰霽雨職戎切鄭所云今月令皆明堂月令也

腐草爲螢明堂月令曰腐草爲蠋說文云馬蠋也時則訓無或差貸案貸依字當作貸古忒字呂覽正作忒易豫彖云四時不忒京房本作貸尚書洪範衍忒史記作衍

賁又管子書皆以賁為忒今皆讀為二者非張參五經文字云賁

相承或借為賁字是貸與賁通又漢張表碑苛忒字作荷忒此其証也

季夏行春令則穀實鮮落案呂覽淮南鮮皆作鮮

順彼遠方呂覽云巡彼遠方案巡當作循聲之誤也儀禮

注云古文循作順故月令作順高誘淮南注云順循也

鄭氏云順猶服也是讀為馴

養衰老授几杖行糜粥飲食高誘曰陰氣發老年衰故共

養之授其几杖賦行飲食糜粥之惺今之八月比戶賜

高年鳩杖粉藻是也周禮大羅氏掌獻鳩杖以養老又

伊耆氏掌共老人之杖王制云凡三王養老皆引年注

云引戶校年當行復除也續漢書禮儀志云仲秋之月

縣道皆案戶比民年始七十者授之以王杖舖之糜粥

八十九十禮有加賜後漢書江革傳云每至歲時縣當

案比革以母老不欲搖動自在轅中輓車此鄭氏所云

引戶校年當行復除是也

無不務內呂覽內作入內古文入

固封疆注云今月令疆或謂璽案呂覽亦作璽高誘讀為

移徙之徙

天子乃命將帥講武習射御角力盧植曰角力如漢家乘之引闕踟躕之屬也

水泉咸竭呂覽咸作減春秋傳云咸黜不端正義云諸本咸或作減是咸與減通

水澤腹堅釋文云腹本又作復又方服反案呂覽作復高誘曰復亦盛也復或作復凍重累也

文王世子問內豎之御者注云御如今小史直日矣外傳史黯謂趙簡子曰臣敢煩當日韋昭曰當日直日也戰國策云郢之登徒直使高誘曰直當日直使也

夢帝與我九齡釋文作聆云本或作齡案說文無齡字樊毅脩華嶽碑云垂曜萬輪婁壽曰漢碑齡皆作輪輪亦借用字下文云古者謂年齡齒亦齡也故字以齒未詳

當攷

廣雅曰齡年也九經攷異云九齡石經作稭案漢石經禮記無攷未詳何據

况于其身以善其君乎注云于讀為迂迂猶廣也大也案鄭氏論語云子之于也何晏本于作迂蓋古字通

織剝注云織讀為殲釋文云織依注者鍼之林反徐子廉反注本或作織讀為殲者是依徐音而改也案此則當云織讀為鍼故下注訓為刺今文皆从徐音誤為殲

告于甸人注云告讀爲鞠讀書用法曰鞠

依字當作鞠

正義云

讀書讀囚人之所犯罪狀之書用法謂以法律平斷其
罪案秋官小司寇讀書用法先鄭云如今讀鞠已乃論
之賈公彥曰鞠謂劾囚之要辭讀已乃行刑漢書功臣
表云新時候趙弟坐鞠獄不實如淳曰鞠者以其辭決
罪也張湯傳云訊鞠論報張晏曰鞠一吏爲讀狀論其
報行也刑法志云遣廷史與郡鞠獄如淳曰以囚辭決
獄事爲鞠謂疑獄也

三老五更注云三老五更各一人皆年老更事致仕者也

名以三五者取象三辰五星天所因以照明天下者又
樂記注云三老五更互言之耳皆老人更知三德五事
者也案三老五更諸儒之說各異宋均援神契注云三
老老人知天地人事者五更老人知五行更代之事者
應劭漢官儀曰三老五更三代所尊也三者道成於天
地人老者久也舊也五者訓於五品更者五世長子更
更相代言其能以善道改更已也盧植禮記注云選三
公老者爲三老卿大夫中之老者爲五更蔡邕以更字
爲叟云三老國老也五叟庶老也叟長老之稱又以三

老為三人五叟為五人案蔡集問答云三老五更子獨
 曰五叟何也曰字誤也叟長老之稱其字與更相似書
 者轉誤遂以為更嫂字女旁瘦字从叟今皆以為更矣
 立字法者不以形聲何得以為字以嫂瘦推之知是更
 為叟也棟案列子黃帝篇云禾生子伯宿於田更商邱
 開之舍注云更當作叟然則蔡說不為無據

禮運孔子曰大道之行也與三代之英邛未之逮也而有
 志焉注云志謂識古文

諸侯非問疾弔喪而入諸臣之家是謂君臣為讒荀子大
 略曰君子大夫三問其疾三臨其喪於士一問一臨諸
 侯非問疾弔喪不之臣之家

故聖人耐以天下為一家注云耐古能字傳書世異古字
 時有存者則亦有今誤矣樂記注云耐古書能字也後
 世變之此獨存焉古以能為三台字

王莽傳云三能文馬是也

棟案

古三台字作能古能字作耐又作而古耐字作耐說文
 云耐罪不至髡也从而从彡或作耐从寸諸法度字从

寸應劭漢書注云輕罪不至於髡完其耐鬢

說文曰而頰毛也象

毛形周禮曰故曰耐古耐字从彡髮膚之意也杜林以

為法度之字皆從寸後改如耐音若能

孔穎達曰不虧形體猶堪其事

之耐謂鄭云則亦有今誤者正義云今書雖存古字為耐

亦有誤不安寸直作而字則易七豕云利建侯而不寧

及劉向說苑能字皆為而也呂覽正月紀云晉平公問

於祁黃羊曰南陽無令其誰可而為之高誘注云而能

為治又士容論云柔而堅虛而實注而能也淮南子曰

轉化推移得之道而以少勝多高誘曰而能也能以寡

統衆是秦漢之書皆以而為能

九經古義卷十一

九經古義卷十二

東吳惠棟學

禮記古義

禮器次路繁纓七就七當為五古五字如七

見王肅因誤詩傳

為之郊特牲云次路五就注云禮器言次路七就與此

乖字之誤也

大圭不琢注云琢當為篆字之誤也漢書董仲舒傳云良

玉不琢注云琢謂彫刻為文也

晉人將有事於河必先有事於惡池注云惡當為呼聲之

誤也呼池嘔夷并州川秦惠王詛楚文云告于不羸大神亞駝亞駝即惡池也亞與惡通詳易古義

配林注云配林林名盧植云配林小山林麓配泰山者也風俗通云配林林樹木之所聚生也今配林在秦山西

南五六里

何休注公羊引作蜚林蜚聲近妃古配字作妃聲之誤也

郊特牲鄉人禘注云禘或為獻或為儺鄭氏論語曰鄉人儺注云十二月命方相氏索室中驅疫鬼魯讀儺為獻今从古案此則古文論語作鄉人儺魯論語作鄉人獻故此注云或為獻或為儺禮家所傳亦有異同也

獻讀為莎

又讀為義義音莪聲近儺

而流示之禽而鹽諸利注云鹽讀為艷行田示之以禽使歌艷之觀其用命不也棟案古樂府有昔昔鹽三婦鹽亦作艷古字通

內則柔色以溫之注云溫藉也承尊者必和顏色匡謬正俗曰案文當云柔和顏色以溫悅尊者之心不當改讀為蘊此說非也古蘊藉字皆作溫其蘊藻蘊蓄之字則从艸溫聲正義云言子事父母當和柔顏色承藉父母若藻藉承玉然斯說得之詩云飲酒溫克易云藉用白

茅皆取和柔之義

詩小宛溫克箋云飲酒雖醉猶能溫藉自持以勝正義云定本及箋作溫

字舒瑗云包裏曰蘊謂蘊藉自持舍容之義經中作溫者蓋古字通用經籍志舒瑗撰毛詩義疏

三牲用藪注云藪煎茱萸也漢律會稽獻馬說文云漢律

會稽獻藪一斗从艸頽聲

接以大牢注云接讀為捷捷勝也謂食其母使補虛強氣

也棟案接與捷通故訓為捷鄭氏周易晉卦云晝日三

接注云接勝也

音捷

是讀為捷春秋經云宋萬弑其君捷

賈逵云公羊穀梁曰接

大戴禮官人云九用八曰取接給而廣中者接給猶捷給也

祇見孺子注云祇敬也或作振古祇振字通史記夏本紀

臯陶述其謀曰日嚴振敬六德今尚書振作祇振文與

震通魯世家周公作無逸云治民震懼今無逸作祇懼

蔡邕石經般庚云今爾惠朕曷祇動萬民以遷今盤庚

云爾謂朕曷震動萬民以遷祇與振義同而音異

蔡誓云祇

復之魯世家盼誓云敬復之徐廣云敬一作振

玉藻諸侯茶前詘後直注云茶讀為舒遲之舒舒懦者所

畏在前也考工弓人云寬緩以茶注云茶古文舒假借

字鄭司農云茶讀為舒舒徐也

趨以采齊注云齊當為楚薺之薺案詩作楚茨王逸楚辭

章句引詩云楚楚者資其字皆以齊次為聲同物同音故大戴禮保傅篇云行以采茨趨以肆夏又云場中采茨趨中肆夏鄭从周禮作齊又引楚茨以證之明同物也

大夫佩水蒼玉而純組綬注云純當為緇古文緇字或作絲旁才絲當作系周禮媒氏曰入幣純帛無過五兩注云純實緇字也古緇以才為聲賈公彥曰古之緇有二種其緇布之緇系旁留後不誤故禮有緇布冠緇布衣存古字若以絲帛之緇則系旁才案毛公行露傳曰昏禮紃帛不過五兩故鄭據為說

學記善待問者如撞鐘墨子曰君子如鐘扣則鳴不扣則不鳴荀子曰不問而告者謂之傲問一而告二謂之囋朱新仲云今人謂屢說曰暫蓋囋字也傲非也囋非也君子如嚮矣如嚮者即繫辭所云問焉而以言其受命也如嚮是也二說可與善待問者如撞鐘相發明

樂記竹聲濫濫以立會會以聚衆注云濫之意猶擊聚也會猶聚也聚或為最古最聚通用管子禁藏篇曰冬收五藏最萬物注最聚也史記殷本紀云大最樂戲於沙

邱徐廣曰最一作聚又周本紀有周聚徐廣曰一作最
最亦古之聚字公羊隱元年傳云會猶最也何林云最之為言聚若今聚民為投最

武坐致右憲左注云憲讀為軒聲之誤古憲軒二字音相

通詩云天之方難無然憲憲毛傳云憲憲猶欣欣也欣

讀為軒與難合韻鄭注內則云軒讀為憲揚雄河東賦

云麾城擗邑李奇曰擗音車憶之憶憶从巾憲聲反復

相訓蓋古音通也內則亦讀憲為軒

封帝堯之後於祝注云祝或為鑄周本紀云封黃帝之後

於祝張守節以為東海祝其縣非也汲郡古文云平王

三年齊人滅祝此東海縣也古祝鑄同音淮南子倣真

曰冶工之鑄器高誘曰鑄讀作祝續漢志云濟北蛇邱

有鑄鄉城劉昭曰周武王未及下車封堯後於鑄春秋

傳云臧宣叔娶於鑄杜氏鑄國濟北蛇邱縣所治呂氏

春秋慎大覽云武王勝殷入殷未下輦命封黃帝之後

於鑄封帝堯之後於黎封帝舜之後於陳高誘曰鑄國

名

曲直繁瘠廉內節奏荀子瘠作省棟案省與青通青猶瘠

也故字亦作瘠尋文義繁省為長

雜記訃於適者

依說文訃當作赴

注云適讀為匹敵之敵謂爵同

者也鄭氏論語云無敵也無莫也古文論語敵作適荀

卿子君子篇云天子四海之內無客禮告無適也注云

適讀為敵史記范雎傳攻適伐國田單傳適人開戶李

斯傳羣臣百官皆畔不適徐廣皆音征敵之敵是適為

古文敵也

注六服皆袍制不禪以素沙裏之如今袷袍襖重繒矣正

義云漢時有袷袍其袍下之襖以裏繒為之釋名云婦

人以絳作衣裳上下連四起施緣亦曰袍賈公彥曰男

子袍既有衣裳今婦人衣裳連則非袍而云袍制者正

取衣複不單與袍制同袷袍猶圭衣也鄭注內司服云

今世有圭衣者蓋三翟之遺俗釋名曰婦人上服曰桂

其下垂者上廣下狹如刀圭也江充傳云曲裾後垂交

輸如淳曰交輸割正幅使一頭狹若燕尾垂之兩旁見

於後是禮深衣續衽鉤邊賈逵謂之衣圭亦舉漢法以

明之蘇林曰交輸如今新婦袍上桂全幅繒角割續漢

志云諸古麗圭襟閨緣加上之服建武永平禁絕之麗

圭襟閨緣即圭衣之類袍所以苞內衣故云加上之服

皆重繒厚練永平初惟中宮皇太子得服之蓋以儉化俗也釋名曰襖揆也青絳爲之緣玉篇曰襖緣襖緣襖襖施緣也

諸侯出夫人有司官陳器皿注云器皿其本所齋物也律棄妻畀所齋韓非子說林曰衛人嫁其子而教之曰必私積聚爲人婦而出常也其成居幸也其子因私積聚其姑以爲多私而出之其子所以反者倍其所以嫁妻有三不去一曰有所取無所歸

喪大記君大夫鬻爪實於綠中注云綠當爲角聲之誤也

角中謂棺內四隅也

坊記高宗云三年其惟不言言乃謹注云謹當爲歡聲之誤也其既言天下皆歡喜樂其政教也熊朋來經說云坊記言乃謹之注但知有說命之書不知其爲無逸之文妄指爲謹說之謹不知本文當爲雍作釋文正義者從而遂非傳說尤爲可恨棟案鄭未嘗以此書爲允命之篇此正義之誤鄭氏尚書無逸篇云乃或梁闇三年不言其惟不言言乃雍注云摺謂之梁闇讀如鷓鷯謂廬也其不言之時時有所言則羣臣皆和諧是鄭非不

知無逸之篇謹作雍以記稱高序書序又有高宗之訓
 此篇已亡何知不在商書而猥舉無逸之篇改謹為雍
 也且馬遷從孔安國問多得古文之說其所作魯世家
 稱無逸云乃有亮闇三年不言言乃謹正與坊記所載
 同古今異文師徒異讀必欲執一說以繩之此井鼃夏
 蟲之見也吳興張謙中復古編云闇治喪廬也从門音
 高宗梁闇三年不言何謂梁闇伏生書大傳
楣謂之梁闇讀如鶴禮喪服四制卒哭後翦屏桂楣謂
 之梁闇晉賈后取妹丈韓壽子養之託梁闇所生別作
 庵非烏含切
 又烏紺切
 中庸壹戎衣注云戎兵也衣讀如殷聲之誤也齊人言殷

聲如衣虞夏商周氏者多矣今姓有衣者殷之冑與案
 康誥云壹戎殷故鄭讀从之古依字作身从反身殷字
 从此故讀殷為身聲如依也呂覽權勳篇云親鄣如夏
 高誘曰鄣讀如衣今兗州人謂殷氏皆曰衣
 治國其如示諸掌乎注云示讀如寘諸河干之寘寘置也
 物而在掌中易為知力者也古寘字多作示易坎之上
 六云寘于叢棘劉表寘作示范甯注穀梁引易云繼用
 徽纆示于叢棘毛詩鹿鳴云示我周行箋云示當作寘
 仁者人也注云人也讀如相人偶之人以人意相存問之

言案公食大夫禮云賓入三揖注云每曲揖及當碑揖相人偶蓋賓主揖讓互相親偶親親之意亦如之也

道經曰如瓊兒之未孩河上公注云如小兒未能答偶人時也

好學近乎知說苑建本篇云中庸曰好問近乎智力行近乎仁知恥近乎勇漢書公孫宏上書引禮記亦云好問近乎知師古曰疑則問之故成其智

表記仁者人也注云人也謂施以人恩也春秋傳曰執未
有言舍之者此其言舍之何人也正義云施人以恩謂
意相愛偶人也引春秋傳者成十六年公羊傳文傳稱

欲人愛此行父故特言舍之引之者證人是人偶相存
愛之義也

義而順文而靜注云靜或為情古靜與情每相通周書官
人云情忠而寬貌莊而安大戴禮官人情作靜周書又
云飾貌者不靜大戴禮作不情

緇衣信以結之則民不倍恭以涖之則民有孫

禮記孫心作孫棟謂緇衣孫必當作孫猶祭義見間當
為覲史記刺齒當為齧孟子正心當為忘皆一字誤為
二字也說文慈順也書曰五品不慈今文尚書作訓史

魯世家云宣王伐魯殺其君伯御而問魯公子能道順諸侯者徐廣曰順一作訓張守節云順音訓

古文尚書作孫今孔氏本作孫衛包又改作遜古文亡矣薛宣尚書

作緇衣猶存古字毛居正作正誤又從而改之益嘆識

字之難訓讀為馴孫解為順順猶馴也義本不殊

葉公之顧命注云楚縣公葉公子高也臨死遺書曰顧命

棟案其辭有莊后大夫卿士非葉公之言也此周書祭

公謀父之辭穆王時祭公疾不瘳王曰公其告予懿德

祭公拜手稽首曰嗚呼天子女無以嬖御固莊女無以

小謀敗大作女無以嬖御士疾大夫卿士祭公將歿而

作此篇故謂之顧命其事亦見汲郡古文王伯厚已有

是說余特表而出之此傳寫之誤非傳禮之誤二禮如明堂位文王官人皆來自周書王

氏以為傳禮之誤非也

故君子寡言而行以成其信注云寡當為顧聲之誤也釋

文云寡音顧出注棟案寡當音鼓尚書微子云我不顧

行遯徐仙民云顧音鼓商詩韋顧既伐古今人表作韋

鼓顧有鼓音與寡聲近故鄭氏云聲之誤

三年問故先王為之立中制節棟案焉於也呂氏月令

曰天子焉始乘舟高誘曰焉猶於此高注淮南外傳晉云焉於也

語曰焉作轅田焉作州兵皆訓為於言於是始作轅田
 州兵也荀子焉作安楊倞曰安語助猶言抑也或作安
 或作案荀子多用此字禮記三年問作焉戰國策謂趙
 王曰秦與韓為上交禍案移於梁矣今戰國策案作安秦與梁
 為上交秦禍案攘於趙矣呂氏春秋吳起謂商文曰今
 置質為臣其主安重釋璽辭官其主安輕蓋當時人通
 以安為語助或方言耳

投壺籌室中五扶堂上七扶庭中九扶注云籌矢也輔四

指曰扶韓非子云上失扶寸下一指按寸春秋傳曰膚得尋常注云四指為扶

寸而合鄭知扶與膚同者尚書大傳云五嶽皆觸石出

雲扶寸而合不崇毛萇詩傳云崇終也朝而雨天下彼注云四指

為扶音膚書傳所載與公羊同而其字作扶故扶為膚

何休云側手為膚案指為寸玉篇引公羊傳云扶寸而合廣韻同又引注云側手

曰扶案指曰寸是古本公羊膚皆作扶

儒行其飲食不溲注云恣滋味為溲溲之言欲也案歸藏

易需卦之需作溲見胡氏啟蒙周易象云君子以飲食

宴樂溲音辱春秋傳云辱必求之吾助子請服虔解誼

云辱欲也

大學致知在格物文選注倉頡篇云格量度之也量度事物致知之道也

此之謂自謙注云謙讀為慊慊之言厭也詩湛露云厭厭夜飲傳云厭厭安也安靜之意故書本作謙鄭讀為慊今集注本直作慊字非也鄭下注命也之命讀為慢朱子從之仍依本字訓為慢此

謙字亦當依本字訓為慊

射義古者天子之制諸侯歲獻貢士於天子注云歲獻獻國事之書及計偕物也漢書元光四年徵吏民有明當時之務習先聖之術署縣次續

食令與計偕蓋取法三代因歲獻而貢士之意三歲而貢士舊說云大國三人

次國二人小國一人何休注公羊云禮諸侯三年一貢士於天子天子命與諸侯輔助為政所以通賢共治示不獨專重民之至大國舉三人次國舉二人小國舉一人

九經古義卷十二



